



UNIVERSITÄTS-  
BIBLIOTHEK  
PADERBORN

# Horologium Spirituale Scholasticorum Societatis Jesu

**Dirckinck, Johann**

**[Osnabrugi, 1696**

Persolvendi preces matutin.

---

---

**Nutzungsbedingungen**

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)



Domine spiritum superbię & immunditię, & orna caput meum corona cœlestis glorię.

VII. Dum cubiculo exis: cum Alexandro Lusagio, Fronti, ori, & cordi signum crucis imprimens, dic: JESUS crucifixus fit in omnibus meis cogitationibus, verbis, & operibus. Amen. Adde, quod docet S. Chrysoſtomus Hom. 8. ad pop. Ant. ut quoties januę limen sumus transgressuri, crucem fronti imprimamus, & hoc prius verbum loquamur: Abrenuntio tibi, Sathana, & adhæreo tibi Christe, qui es via, veritas & vita.

VIII. Dum faciem & manus lavas. ora: Pie pelicane, Jesu Domine, me immundum munda tuo sanguine! Amplius lava me, & ab iniquitate mea munda me. Psal. 50.

*PRAXIS II.*

Perſolvendi preces matutinas.

**C**irca primum quadrantem, visita Venerabile Sacramentum, si opportunitas sit; aliàs, vultum & cor illuc dirige, & ante arulam tuam in sequentes affectus ferventer erumpe.

ORA.



## ORATIO I. ad Sss. Trinitatem.

*Sis Gratus, & cum S. Xaverio ores.*

L. 2. ep. no. 2.

**O**Mnipotens sempiterne Deus,  
 tu creasti me, & dedisti mihi  
 corpus & animam, & quidquid ha-  
 beo: tu solus & non alius plasmasti  
 me ad imaginem & similitudinem  
 tuam, aliisque beneficiis innumeris  
 me cumulasti: Reddo tibi; mi Deus,  
 gratias, & laudes infinitas, præfer-  
 tim quod tribueris notitiam fidei,  
 & legis veræ JESU Christi; in ejus  
 Societatem me adlegeris, & hac  
 nocte tam paternè custodieris. *Be-  
 nedictio & claritas & sapientia &  
 gratiarum actio honor & virtus &  
 fortitudo Deo nostro in secula seculo-  
 rum. Amen. Apoc. 7.*

## ORATIO II. ad Deum Patrem.

*Cor offer, cum S. Ignatio in Lib. Exercit.*

Hebd. 4.

**S**Uscipe Domine universam meã  
 liber-



libertatem. Accipe memoriam, intellectum atq; voluntatem omnem. Quidquid habeo, vel possideo, mihi largitus es: id tibi totum restituo, ac tuæ prorsus voluntati trado gubernandum. Amorem tui solùm cum grata tua mihi dones, & dives sum satis, nec aliud quidquam ultrà posco. Ad omnem nutum & beneplacitum tuum. *Paratum cor meum Deus, paratum cor meum.* Ps. 56. Domine quid me vis facere? Act. 9.

ORATIO III. ad Dei Filium.

*Opus dispone futurum, cum S. F. Borgia.*  
Tract. 2. de Christ. oper.

**O**JESU amantissime! firmiter statuo, hodiernâ die, te aspirante regulas meas exactè servare, meditationem & examina accuratè instituere, perfectè officium divinũ persolvere, & sanctissimum missæ sacrificium sanctè offerre. Omnia denique opera mea, cum Deo & in Deo



Deo peragere, & ad solam Dei gloriam referre: atq; ut gratiora evadant, cum tuis operibus conjuncta Patri cœlesti offerre, ut quæ per se, nullius ad beatitudinem momenti sunt, tuis meritis & gratiâ in DEI conspectum admittantur. *Vias tuas, Domine, demonstra mihi, & semitas tuas edoce me.* Psal. 24.

ORATIO IV. ad Spiritum S.

*Vita peccatum, & cum P. de Ponte propone L. 6. med. 6.*

**O** Divine Spiritus! a deone cæcus & religiosæ perfectionis & obligationis oblitus, in pristinas hodie imperfectiones & negligentias, sensualitates & vanitates relabar? præsertim has (NN. Exam. part.) tantopere tibi disciplentes? Absit hoc à me, Domine; magnum concipio propositum, discedendi ab omni genere culpæ gravioris, imò & levioris, & cujuscunq; defectûs

&



& imperfectionis, quin etiam omnis  
 odoris ejus, quantum mihi possibile  
 erit cum gratia tua. Tu precor titu-  
 bantem corrobora, qui sponendi-  
 sti: *Super aspidem & basiliscum am-  
 bulabis, & conculcabis leonem, & dra-  
 conem.* Psal. 90.

ORATIO V. ad SS. Patronos.

*Subsidiūmq; pete, cum P. Petro Fabro,  
 Lib. 2. vitæ c. 5. & 6.*

**S**uccurrite mihi, Clienti vestro,  
 Hodie fideliter, ô SS. Patroni mei  
 N. N. N. cum omnibus sanctis, ac  
 præsertim hodierna die celebribus;  
 & me contra omnes hostes, visibi-  
 les & invisibiles, strenuè defendite:  
*non enim solum mihi est colluctatio  
 adversus carnem & sanguinem; sed &  
 adversus principes & potestates, ad-  
 versus mundi Rectores tenebrarum  
 harum.* Ephes. 6.

Deinde commenda te B. Virgini cum  
 P. Canisio: O Domina mea, sancta Ma-  
 ria,



ria, me in tuam benedictam fidem & c. Et cum B. Aloysio L. 2. vitæ c. 3. Commendate S. Angelo custodi, dicendo: Angele Dei qui custos es mei. Vel cum P. de Ponte Lib. 6. med. 34. Salve Angele Dei, Princeps nobilissime. Commenda quoque te Sanctis ac Beatis Societatis nostræ.

1. **A**ve, Ignati, pervium  
Vitæ meæ refugium:  
Tua præstet oratio,  
Ne perdat me damnatio.
2. In Dei sim servitio,  
Tuo fervens auxilio:  
Nec animum vis impia  
Depellat à constantia.
3. Vivat in corde puritas;  
Regnet in ore veritas;  
Tuâque præstet bonitas;  
Ne factis insit vanitas!
4. Leges sanctè custodiam;  
Promissis satisfaciam;  
Ut mundo & mihi mortuus  
Sim Christo servus strenuus!
5. Et tu XAVERI Gentium,  
Ave Doctor errantium,

C

Per



- Per te nanciscar cœlitus,  
Fervorem tui Spiritûs!
5. Humilitatis speculum,  
Ornans BORGIA sæculum,  
Mundum doce me spernere,  
Deûmq; solum quærere!
7. O castitatis lilium  
ALOYSI, similium  
Amator, castos pectoris,  
Da motus, atque corporis!
8. Tu STANISLAE nobilis,  
Constantiâ immobilis;  
Nos veros JESU Socios,  
Fac & MARIÆ filios!
8. Confessores sanctissimi,  
Et Martyres fortissimi,  
Rogate nobis auream,  
Vestæ coronæ lauream.
9. Sit TRINITATI gloria,  
Quæ me suâ clementiâ,  
Ereptum mundi scopulis,  
Suis adjunxit famulis!

## ORATIO ad DEUM.

**D**EUS qui me à sæculi vanitate  
te conversum ad bravium suum  
per



pernæ vocationis accendis, pectori  
meo purificando illabere; & gratiã  
quã in te perseverem infunde; ut  
protectionis tuæ munitus præfidiis,  
& mei propositi executor effectus,  
ad ea, quæ tibi fervientibus, & in te  
perseverantibus, promittere digna-  
tus es, pertingere valeam: Per Chri-  
stum Dominum nostrum. Amen.

ORATIO R. P. Caroli Spinolæ Jap.

Martyris, c. 3. vitæ.

**D**Ignare, benignissime JESU,  
per hoc tuum sanctũ nomen  
tuum, esse mihi JESUS, & dare mi-  
hi spiritum Societatis JESU. Inscere,  
quæso, cordi meo hoc amabile no-  
men tuum, ut ejus dulcedine pascar,  
ejusq; amore ita ardeam, ut moriar  
in te, JESU mi dulcissime, JESU mi  
suavissime, JESU mi dilectissime, in-  
vocato semper hoc jucundissimo,  
hoc mellifluo, hoc salutifero nomi-  
ne tuo, JESU, JESU, Amen.



ORATIO similis ad B. M. V.

**O** Clemens! ô pia! ô dulcis Virgo  
MARIA! Esto mihi quæso  
MARIA & mater misericordiæ  
impetra mihi spiritum Societatis Fi-  
lii tui; infere, quæso, cordi meo, tuum  
amorem, & hoc amabile nomen  
tuum MARIA, ut ejus dulcedine  
pascar; ejus quoq; amore ita ardeam  
ut moriar in te MARIA, matre mea  
dulcissima, Matre mea suavissima  
Matre mea jucundissima, repetito  
hoc amabili nomine tuo, MARIA  
MARIA, Amen.

*PRAXIS III.*

Intentionum particularium  
pro singulis hebdomadæ diebus.

INTENTIO DIE DOMINICÆ.

I. **O**Mnia mea verba, cogitationes &  
opera offero SS. Trinitati, ad ma-  
jorem ejusdem gloriam, gustum ac bene-  
placitum: Item Christi Domini gloriosius  
resurgentis & omnium Sanctorum. 2. In  
gratiarum actionem pro omnibus beneficiis